

Տնտեսական Օժանդակության Քաղաքականության Ամփոփում

Huntington հիւանդանոցը նուիրուած է բժշկական ծառայութիւնները մեր հիւանդներուն հասանելի դարձնելու առաքելութեան եւ կ'անդրադառնայ, որ համայնքի ոչ-բոլոր անդամները կրնան հոգալ բժշկական ծախսերը: Այս առնչութեամբ, Huntington հիւանդանոցը, նիւթական օժանդակութեան ծրագիրով մը կ'օգնէ բժշկական շտապ օգնութիւն կամ անհրաժեշտ խնամք ստացող հիւանդներուն, որոնք այդ օգնութեան պայմանները կ'աբողջացնեն: Այս օժանդակութենէն օգտուելու համար հիւանդները պէտք է դիմումագիրը լրացնեն, որոշ փաստաթուղթեր ներկայացնեն եւ ամբողջացնեն ստորեւ նշուած պայմանները: Այս քաղաքականութիւնը, Huntington հիւանդանոցէն զատ, ուրիշ ծառայութիւն մատակարարողները չ'ընդգրկէր:

Ո՞վ տնտեսական օժանդակութեան համար ընտրելի է:

Մեր Ծրագիրը կ'օգնէ ցած եկամուտ ունեցողներուն, չապահովագրուած կամ անբաւարար ապահովագրական ծրագիր ունեցող այն հիւանդներուն, որոնք բժշկական ծախսերը վճարելու համար օգնութեան կարիք ունին: Հիւանդները այս Օժանդակութեան համար կրնան ընտրուիլ, եթէ իրենց ընտանիքի եկամուտը Աղքատութեան Դաշնային Ուղենիշի 350%-ի հաւասար կամ նուազ է: Յաւելեալ տեղեկութիւններ կրնան պահանջուիլ եւ վերջին հաշուով կրնան հիւանդանոցի որոշումին վրայ ազդել:

Տնտեսական Օժանդակութեան ծրագրի հիւանդներուն համար ծառայութիւններու սակերը պիտի չգերազանցեն նոյն շտապ օգնութեան համար ապահովագրուած հիւանդներուն համար ճշդուած սակերը (IRS-ի 501 (r) յօդուածին համապատասխան): Տե՛ս Տնտեսական Օժանդակութեան Քաղաքականութեան Յաւելուած Ա. Բաժինը:

Ծրագիրը ի՞նչ կը ծածկէ (Ներառնէ):

Ծրագիրը կը ներառնէ Huntington հիւանդանոցի կողմէ մատուցուած բժշկական անհրաժեշտ ծառայութիւնները:

Ինչպէ՞ս կրնամ Տնտեսական Օժանդակութեան դիմել կամ ամբողջական քաղաքականութիւնը (մանրամասնութիւնները) ունենալ:

Դիմումագիրը եւ դիմելու ուղղութիւնները կրնաք գտնել այս փաստաթուղթի միւս երեսին վրայ:

Օժանդակութեան ծրագիրը ստանալու կամ դիմումագիրը ամբողջացնելու համար օգնութիւն կրնաք ստանալ հետեւեալ աղբիւրներէն.

- Հիւանդանոցի որեւէ ընդունարաններէն մէկը (հիւանդներու եւ շտապ օգնութեան):
- Ժամը 8:00am - 4:00pm կրնաք հեռաձայնել մեր աշխատանքի գրասենեակը (Ոչ-աշխատանքային ժամերուն կրնաք ձայնային հաղորդագրութիւն ձգել): Կրնաք օգտուիլ մեր ուղղակի թարգմանութեան ծառայութենէն:
- Կրնաք գրել հետեւեալ հասցէին. Huntington Hospital 100 W. California Blvd Pasadena, Ca 91109 Attention Patient Financial Services (Անվճար)
- Երկուշաբթի-Ուրբաթ օրերուն կրնաք մեր Օգնութեան անկիւնը այցելել:
- Դիմումագիրը եւ ծրագիրը կրնաք ներբեռնել հետեւալ կայքէջէն. www.huntingtonhospital.com

Լեզուական Ծառայութիւն կա՞յ:

Վերեւ նշուածներուն մէջ Օժանդակութեան քաղաքականութեան ծրագիրը եւ դիմումագիրը հասանելի են մեր համայնքին մէջ խօսուող գրեթէ բոլոր լեզուներով: Տեղոյն վրայ թարգմանչական ծառայութիւն եւս կայ:

Huntington Hospital 100 W. California Blvd PO Box 7013 Pasadena, Ca 91109-7013

Effective 01/01/2016